

NOFOA'IGA TOLUSEFULU FONOFAITULAFONO A AMERIKA SAMOA

FONO TELE MUAMUA

Nofoia ma usuia i Fagatogo, Tutuila, Amerika Samoa
Aso Gafua, aso valu o Ianuari
lua afe ma le fitu

O SE TULAFONO E TOE FAATAGA AI ONA FAATU MO SE TAIMI LE TUMAU O LE "FAAMASINOGA MO AIGA, VAILA'AU MA LE ALAKAHOLO" MA TOE FAAOPOOPO AI SE ISI 3 TAUSAGA I LEA POROKALAMA FAATA'ITA'I, AE AFAI LOA E MALIE MAI LE FAILAUTUSI O LE INITERIA, ONA AVEA LOA LEA O LENA FAAMASINOGA MA VAEGA TUMAU O LE FAAMASINOGA MAUALUGA E ALA I LE SOLOIA MULIMULI ANE O LE MAGA 3.0505, TTAS; TOE FAAVAE AI LE MATAUPU 5 I LALO O LE ULUTALA 3, TTAS.

Faatomuaga:

O le tausaga e 2000 na faatulafonoina ai e le Fono le Tulafono mo se Faamasinoga le tumau mo Aiga, Vaila'au ma le Alakaholo lea na sainia e le Kovana ma faamaonia mai e le Failautusi o le Initeria. Sa toe faaopoopo aso o le tulafono ma o le 2004 na fautuaina ai e le Fono ina ia faatumauina lea porokalama tatau ma le lelei e ala i le faaopoopoina o aso e fai ai seia oo ia Oketopa 1, 2006 ma, a pasia mai e le Failautusi o le Initeria a le Iunaite Setete e tusa ai ma le Poloa'iga 2657 a le Failautusi e pei ona suia ai, Maga 4. Pule Faa-faamasinoga, e soloia ai le aiaiga i toe taimi poo le gagaifo o le la i lenei tulafono i lalo o le Maga 3.0505 TTAS. O le mea ua tupu, sa lei tuuina atu aloa'ia lenei tulafono i le Failautusi o le Initeria ina ua uma ona faatulafonoina, ma o lona uiga la ua faamuta e le aiaiga lea o toe taimi o le tulafono le tulafono lenei e amata i le aso 1 o Oketopa, 2006. Ina ia vave la ona toe faataga lenei porokalama le tumau ma tau'aao atu aloa'ia le tulafono i le Failautusi o le Initeria mo lana maliega mai ina ia ave le Faamasinoga mo Aiga, Vaila'au ma le Alakaholo e fai ma vaega tumau o le Faamasinoga Mauualuga a Amerika Samoa, e tatau la ona aloa'ia vave loa le Maga 1 ma le Maga 2 o lenei tulafono i le taimi e sainia ai e le Kovana ma, a'o lei oo ina faalauaiteleina, ma faamaonia e le Failautusi o le Initeria le faavaeina tumau o lenei vaega o le Faamasinoga Mauualuga a Amerika Samoa e tusa ai ma le Maga 4. Pule Faa-faamasinoga, Tatala le faatapulaaina o le Pule a le Malo, Poloa'iga Numera 2657 a le Failautusi o le Matagaluega a le Initeria a le Iunaite Setete, e pei ona suia ai.

IA FAATULAFONOINA E LE FONO FAITULAFONO A AMERIKA SAMOA:

Maga:

- 3.0501 Vaega o Faamasinoga mo Aiga, Vaila'au, ma le Alakaholo – Faatuina.
- 3.0502 Pule faaletulafono ma le kalama
- 3.0503 Lesitala, poloa'iga e puipui ai, faagaoioia ma pulega ma tupe.
- 3.0504 Ofisa o le lala faamalosi tulafono—Galulue faatasi.
- 3.0505 Aiaiga toe taimi o le tulafono.

3.0501 Vaega o Faamasinoga mo Aiga, Vaila'au, ma le Alakaholo—
Faatuina.

E le afaina ai tulafono o loo i ai nei lea o loo ta'u mai ai le mea e oo i ai le pule faaletulafono a nisi o mataupu e oo atu i le vaega fai faamasinoga i le Faamasinoga Mauuluga poo le Faamasinoga Maulalo, (faaitumalo) e mafai lava e le Faamasinosili ona ia faavaeina e ala i se tulafono galue poo sana faatonuga poo ia foi mea uma e lua, se Vaega o le Faamasinoga mo Aiga, Vaila'au ma Alakaholo i totonu o le Faamasinoga Mauuluga mo se vaitaimi e leai se tapulaa ma avatu uma i ai ni mataupu uma e faatagaina i le tulafono lenei e faamasinoina ai i le vaega lena ma fai ai ni faaiuga. O le agaga moni o lenei vaega o le Fa'amasinoga ina ia tasi ai se nofoaga na te fofogaina mataupu uma lava e aafia ai aiga, mai lava i solitulafono a tamaiti e oo i mataupu o le sauaina i totonu o aiga ma le faatamafai, i le tatalaina o faaiipoipoga ma le tausia o tamaiti. O le a fofogaina foi e le Faamasinoga i le taimi e lau ai ana faasalaga o mataupu e aafia ai le sauaina, le 'avamalosi poo vaila'au faasaina, ni porokalama e toe fuata'iina ai, le vaaia vavalalata, ma faia ni tuutuuga e faasolosolo ai le matuia o le faasalaga e fuafua i le faafia ona e faia o le solitulafono ina ia tuuitiitia ai le saga fai pea lava pea o le solitulafono.

3.0502 Pule faaletulafono ma le kalama

(a) E mafai e le Faamasinosili, e ala i se tulafono galue poo se faatonuga poo ia foi mea uma e lua, ona ave le pule mai le vaega faifaamasinoga a le Faamasinoga Mauuluga ma le Faamasinoga Maulalo i le Vaega lea o Faamasinoga mo Aiga, Vaila'au ma le Alakaholo e fofogaina ai ma faia faai'uga o mataupu nei o le a ta'ua:

(1) soo se mataupu poo mataupu uma foi tau tamaiti lava e aafia ai solitulafono tau taavale;

(2) soo se mataupu poo mataupu uma foi i totonu o aiga, e aafia ai ae le gata ai iina, le tatalaga o faaiipoipoga, le nonofo eseese faaletulafono, le tausia o tamaiti, tausia o ta'ito'alu, U.R.E.S.A.; ma faatonuga e puipui ai le tagata sauaina, le aveesea /faamutaina o aia faamatua, ma le faatamafai;

(3) soo se solitulafono poo solitulafono uma foi i sauaga i totonu o aiga vagana ai le fasioti tagata poo isi solitulafono mamafa o le vasega A; ma

(4) soo se mataupu poo mataupu solitulafono uma foi i le faaaogaina o le 'avamalosi poo vaila'au faasaina foi, e aofia ai ma faalavelave matuia tau taavale, vagana ai mataupu o loo tu'ua'ia ai le umia o vaila'au faasaina ma le faamoemoe e tufatufa atu atoa ai ma mataupu o loo aveesea mai i soamaga o loo i luga.

(e) Sei vagana ai e ese se faatonuga/poloa'iga a le Faamasinoga, a'o iloiloga i luma o le Faamasinoga mo Aiga, Vaila'au ma le Alakaholo e le faatagaina ai le mamalu lautele, pe afai o le manaoga lea o loo i ai le tulafono o i ai nei pe ala foi i se faatonuga a le Faamasinoga ina ia tusa ai ma tulafono o le faagasologa o mataupu savili solitulafono foi.

(i) O le Faamasinosili, Faamasinosili Lagolago poo se o loo suitulaga ai ma ni faamasino lagolago se to'alua latou te fofogaina mataupu i le Faamasinoga mo Aiga, Vaila'au ma le Alakaholo, afai lava e i ai se faamasino e toatasi o le Faamasinoga Maualuga ma se faamasino lagolago e toatasi ua atoa le kalama mo se faamasinoga ma le faia o se faaiuga i se mataupu poo se feeseeseaiga e aofia ai ma faamasinoga e faia e se vaega fai faaiuga o faamasinoga (siuri).

(o) E le mafai i le maga lenei poo se isi lava foi vaega o lenei tulafono ona faapea ai e mafai ona suia o le pule faaetulafono a le Vaega o Faamasinoga o Fanua ma Suafa a le Faamasinoga Maualuga i mataupu uma lava e faatatau i suafa matai ma ni feeseeseaiga i fanua e pei ona aiaia i le maga 3.0208 (e)

(u) E le mafai i le maga lenei poo se isi lava foi vaega o lenei tulafono ona faapea ai e mafai ona suia o faasalaga ua uma ona faavaeina e ala i le tulafono mo le faaaogaina, umia, poo le faatauina atu o vaila'au faasaina.

3.0503 Lesitala, poloa'iga e puipui ai, faagaoioia ma pulega ma tupe.

(a) E mafai e le Faamasinosili, e ala i se faatonuga/poloa'iga poo se tulafono galue foi poo ia mea uma e lua, ona faavaeina o ia ofisa tutotonu e tusa ai ma le mea e manaomia ina ia ogatasi ai ma tulafono a le malo tele e mafai ona faaoga iinei, mo mataupu tau le sauaina i aiga ma faatonuga e puipuia ai, ia faatasi i ai ni faatonuga e faia iinei ma ni faatonuga foi e faia mai fafo, atoa ai ma faatonuga mo le tausia o tamaiti e faia iinei ma fafo foi.

(e) E mafai e le Faamasinosili, e ala i se tulafono galue poo se faatonuga foi poo ia mea uma e lua, ona aiaia le faia o ni faatonuga/poloa'iga e puipui ai i latou o loo sauaina i aiga e ala i le faavave ona faagasolo o iloiloga i luga o ni pepa i le gagana Peretania ma le gagana Samoa e mafai ona aumaia e le Faamasinoga. O Faalavelave faafuasei, o poloa'iga e puipui ai se itu e tasi e faapipii faatasi ma se faaaliga o se iloiloga a le Faamasinoga e faia i totonu o le 72 itula talu ona faia o lea poloa'iga.

(i) E mafai ona faataga e le Faamasinosili le faaaogaina, taliaina, le faagaoioia ma le vaia o se tupe a le malo tele poo se isi lava tupe o avanoa mo

le faagaioiia, o fale, meafaigaluega, aufaigaluega ma auunaga lagolago atu mo le Vaega o Faamasinoga mo Aiga, Vaila'au ma le Alakaholo.

3.0504 Ofisa o le lala Faamalosi Tulafono – Galulue faatasi.

O ofisa uma lava o le malo e galulue faatasi ma le Faamasinoga Maualuga i le faatinoina o le porokalama faataitai lenei mo le Faamasinoga mo Aiga, Vaila'au ma le Alakaholo. O le Matagaluega o le Saogalemu Lautele latou te faavaeina ni faiga ma faagasologa e talafeagai ai mo le lesitalaina ma le faamalositia o poloa'iga e puipui ai sauaga i aiga e faauluina pe aumaia foi e le Faamasinoga ma, i le galulue faatasi ai ma le Loia Sili, ia latou faatinoina se faiga tausisia mo le pu'efaapagotaina ma le auina atu i le faamasinoga o mataupu i sauaga i aiga ma le faapisapisaō e aafia ai le 'ava ma vaila'au faasaina.

3.0505 Aiaiga mo toe taimi o le tulafono.

O lenei tulafono e uma lona aoga ma e le toe i ai sona malosia e amata ia Oketopa 1, 2010 sei vagana ai ua suia, toe teuteu pe faatulafonoina foi e le Fonofaitulafono ma sainia e le Kovana.

Maga 2 Soloia.


“Maga 3.0505 TTAS ua soloia nei.”

Maga 3 Aso e taualoa ai.


Ina ia talafeagai le taimi e toe faatagaina ai le faatuina o le porokalama faata'ita'i mo le Faamasinoga mo Aiga, Vaila'au ma Alakaholo ma, a faamaonia mai e le Failautusi o le Initeria lea faaiuga a le Fonofaitulafono ia avea lea faamasinoga ma vaega tumau o le Faamasinoga Maualuga a Amerika Samoa, ia taualoaina loa le Maga 1 ma le Maga 2 o lenei tulafono i le taimi lava e sainia ai e le Kovana, a'o lei oo ina faalauaiteina, le faamaoniga a le Failautusi o le Initeria e faatuina le faamasinoga lea e avea ma vaega tumau o le Faamasinoga Maualuga a Amerika Samoa e tusa ai ma le Maga 4, Pule Faafaamasinoga, Aveesea o le tapulaa o i ai i le Pule a le Malo, Poloa'iga Numera 2657 a le Failautusi o le Initeria, e pei ona suia ai.



LOLO M. MOLIGA
Peresetene, Maota Maualuga



SAVALI TALAVOU ALE
Fofoga Fetalai, Maota o Sui

for
Hereby Approved this 8th day of March 2007

Governor Of American Samoa